



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Vita Et Moribvs Ioannis De Almeida Societatis Iesv
Presbyteri**

Macedo, António de

Romae, 1671

Capvt Qvintvm. Alia à Ioanne præclarè gesta recensentur.

urn:nbn:de:hbz:466:1-44105

CAPVT QVINTVM.

*Alia à Ioanne præclarè gesta re-
censentur.*

Collegij Fluuij Ianuarij architec-
tura, quadrum ædificij exigebat: tribus iam partibus
absolutis deerat quarta, quæ res-
piciebat subiectam, cui immine-
bat ciuitatem: isque prospectus
pulcherrimus futurus erat. Gruē
de more troclea, & ductario fune
instructam ad agenda sursum sa-
xā operæ idoneo in loco statue-
rant. Aderat fabricæ vnuis è no-
stris domesticis coadiutor Antonius Sanchez: hunc strenuè o-
pus promouentem studium cœpit
aptādi lapides eo organo ligneo
trahendos: casu in medio tractu
funis implicitus hæsit; nec vlla
arte adhibita sursum ferri, aut

G 2 deor-

deorsum trudi poterat. Antonius
impatiens morae, temere pedem
impressit funi, & impulit moran-
tem: ecce tibi machina eo impul-
su acta momento impetum cæ-
pit; & funis repulsus Antonium
superstantem excussit, & in altum
summa vi eiecit: volanti per ae-
rem ingemuere adstantes, & ho-
minis vicem anxij, attoniti expe-
ctabant, dum caderet: venit ille
præceps, & caput terræ allisit, ex
quo disrupta pars cranij sanguine
per oculos, nares, os, & aures
emanante moribundum prodi-
dit. Iacuit luxato corpore, dissi-
patis membris, truncus sine sen-
su, sine motu: clamari cæptus;
& quidem nullum in eo vitæ ve-
stigium deprehendebatur: ageba-
tur de illo efferendo; cum accur-
rit Almeida clamore excitus, ro-
gans quid rei esset? comperta re,
hilari vultu caput semianimis ex-

ce-

cepit manibus , ac super illud S.
Euangelij Ioannis initium reci-
tauit: tum bono animo Socios ef-
se iussit. Breui ad se redijt Anto-
nius, & paulò post , ingenti om-
niū admiratione, melius habuit .
Recepit Almeida Socijs incolu-
mem fore, nec ex eo casu mori-
turum, ope S.Xauerij, qui simile
quiddam in Marcello Mastrilli
præstiterat : ita omnes cura libe-
rauit. Vixit deinceps Antonius,
& vitam acceptam retulit Almei-
dæ, qui eam tamen ad Xauerium
referebat : æquo humilitatis pro-
digio, ac fuerat species miraculi,
cui Almeida modestè , vt aiebat,
nobiliorem quærebat authorem.

Habent animi, vti, & corpora,
ægritudines suas: atq; longè glo-
riosius est , & prodigijs nobilius,
reuocare illos ad sanum, bonum-
que habitum , quā humores cor-
porum discordes nativo concen-

G 3 tui

tui reddere , & membra perdita
instaurare . Multa in hac parte,
eaque illustria Ioannes patruuit
ex ijs vnum deligam , quod om-
nium instar esse poterit . Versa-
batur in fluuio Ianuario iuuenis
Lusitanus honesto loco natus , qui
militiae primum nomen dederat ,
& adolescentiae florem peccandi
licentia corruperat : conuerso po-
stea ad mercaturam studio , totus
coaceruandis pecunijs , nulla ha-
bita iusti , & æqui ratione , inhia-
bat . Huic sæculi negotijs impli-
cito , & multorum vitiorum cali-
gine immerso , quidam diuinæ bo-
nitatis radius affulsit , mentemq;
iniecit redeundi ad meliorem
frugem , & omnes antè actæ vite
fordes apud Ioannem confessa-
rium deponendi . Igitur per ali-
quot dies omnium peccatorum
confessionem apud illum ritè per-
egit , tanto doloris sensu , ut vix
pos-

posset inter confitendum à lacry-
mis, & gemitibus temperare . Et
quia nihil se gratiūs Deo factu-
rum putauit, quām tanti viri ve-
stigijs insistere , eumque cælestis
viæ ducem, & spiritūs magistrum
habere, ex eo tempore totum se-
illius arbitrio fingendum, ac for-
mandum commisit. Euènit paulò
post, vt castigandi corporis cau-
sà ferreum cilicum ab Almeida
peteret, acutis totum confixum,
clavis , cuspidibus introrsùm ad
feriendam carnem conuersis, quò
se aduersùs hostem domesticum,
Satanamque muniret: haud igna-
rus quantis ille viribus, dolisque
contendat, à sectanda virtutis via
tyrones Christi auertere . Cæte-
rùm vix corpus cilicio cinxerat ,
cum carnis stimulis ita exagitari
se sensit , vt nullo posset loco tu-
tus consistere . Inops consilij ad
Ioannem confugit, rem exponit,

G 4 au-

auxilium implorat. Is cognitis
diaboli fraudibus, quibus non-
dum bene firmatam tyronis vir-
tutem conuellere nitebatur, eis-
dem vtendum artibus ad salutem
censuit, quibus ille ad perniciem
abutebatur: ergò restitutum sibi
à tyrone ciliciū suo appressit cor-
pori, & continuò iuueni reddidit,
iussitque vt illo iterum se fiden-
ter muniret: sperabat enim fore
vt in posterū superatis hosti-
bus, victor euaderet, & nullis Sa-
tanę fraudibus esset obnoxius; vt
re ipsa euènit; nā in reliquū vita
tempus (quod iure mireris) omni
prorsùs libidinis sensu caruit.

Contigit etiam, vt eiusdem iu-
uenis è silice ignitabulo scintillas
extundentis oculum dissiliens in-
dè particula grauiter læserit, non
sine acerbo sensu doloris. Ioan-
nes, ne minus esset in curandis
animi, quā corporis morbis præ-
stans,

stans, signo Crucis super oculum efformato, silicis particulam excusit, & dolorem repente sedauit: quædam tamen rubri coloris nota, præteriti mali index, remansit in oculo, ut iuuenis acceptum à Deo, Ioannis interuentu, beneficium præ oculis semper haberet. Eundem præterea graui auditus dolore vexatum, verbo, Ephpheta, Seruatoris nostri more, pronuntiato, & signo Crucis aribus impresso, confessim leuauit: eaq; ratione, & Medici, & Magistri partes in discipuli laborantis utilitatem gessit.

Hæc dum Ioannes agit in Fluvio Ianuario: nec minus prodigiorum multitudine, quam sanctæ vitæ exemplis, & frequentibus de Deo sermonibus, omnes ad pietatem accedit: ardens inuidia Satanas, secundum rerum cursum suis, vt solet, artibus interrumpe-

G 5 re,

re, & Almeidam de medio tollere cogitauit: ita se res habuit. Vocatus ad confessionem cuiusdam Brasili, qui morti erat proximus, nulla interposita mora, itineri se commisit, paucis eomitatus indigenis: dumq; laxandi animi causà, multa cum Socijs per viam de rebus cœlestibus miscet colloquia, proiectū summa vi ab alto saxū prætereuntis caput grauiter vulnerauit, & mortuo similem in terrā deiecit: tum verò Socij solliciti, anxijque hinc, indè circumspicere (solitarius enim locus erat) & tanti sceleris authorem diligentissimè perquirere: cunctis, circumquaque perspectis, nullus tanti flagitij author inuentus: omnibus persuasum, proiectū à dæmone fuisse saxum, qui iampridè Almeidæ maximè infestus, nullū non mouebat lapidem, vt eum occideret. Verùm Dei seruus sibi iam

iam redditus, ne, dum medendo
vulnери eo ipso in loco moratur,
infirmus sine confessione decede-
ret, statim circumuoluto temerè
capiti sudariolo , totus sanguine
perfusus, cæptū iter strenuè per-
secutus , ad Brasili decumbentis
tugurium medias inter siluas e-
rectum,tandem peruènit: vbi, con-
fidenti aures dedit , eumq; Sacra-
mentis Ecclesię, & idoneis ad be-
ne moriendum consilijs præpa-
ravit;nec indè abscessit, donec il-
le animam Deo redderet. Alienā
salute procurata, ad Collegium
reuersus, Chirurgis sui curam ha-
bere permisit: paucis post diebus,
diuina magis,quam humana ope-
rante virtute, perinde, ac si nullū
accepisset vulnus, ita integer fuit,
ac vegetus. Porro nonnulli Socio-
rum religione tacti , effusum in
via è vulnere cruentem sudario-
lis, & linteolis exceperunt, & do-

mos secum retulerunt : cuius po-
steà virtus , multis graui morbo
laborantibus saluti fuit .

CAPVT SEXTVM.

Referuntur illustres aliquot Ioan-
nis p̄dictiones .

Neque verò Brasiliæ , & A-
mericæ finibus Almeidæ
virtus , & fama se tenuit , sed Ocea-
num transgressa peruasit in Afri-
cam , & Europam : ac , ne rerum quæ
nobis describendæ supersunt , ma-
gnitudini dicendi breuitate de-
trahamus , operæ pretium erit , eas
fusiùs enarrare . Millesimus sexcē-
tesimus quadragesimus primus a-
gebatur annus , cùm Hollandi in-
structa in Angolam classe delati-
(Regnum id est in ora extima
Aethiopiæ Occidentalis Lusita-
norum im perio subiectum) Lo-

an-